



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ  
ՆԱԽԱԳԱՀ

«12» սեպտեմբերի 2022թ.

No 381

**ՈՐՈՇՈՒՄ**

ՄԻ ՇԱՐՔ ՎԱՐՉԱԿԱՆ ԱԿՏԵՐ ՄԱՍՆԱԿԻ ԱՆՎԱՎԵՐ ՃԱՆԱՉԵԼՈՒ ՄԱՍԻՆ

Հարկային վարչարարության ընթացքում հարկային իրավախախտում հայտնաբերելուց հետո հարկային մարմնի պատասխանատու պաշտոնատար անձի կողմից կազմված սույն որոշման հավելվածում (այսուհետ՝ Հավելված) նշված հարկային պարտավորությունների հաշվարկման վերաբերյալ արձանագրությունների համաձայն Հավելվածում նշված ֆիզիկական անձինք ունեցել են չկատարված հարկային պարտավորություններ:

Վերոհիշյալ պարտավորությունների մասով ՀՀ պետական եկամուտների կոմիտեի իրավաբանական վարչությունում, համաձայն «Վարչարարության հիմունքների և վարչական վարույթի մասին» ՀՀ օրենքի 30-րդ հոդվածի 1-ին մասի, չկատարված հարկային պարտավորությունները գանձելու վերաբերյալ վարչական ակտեր ընդունելու նպատակով հարուցվել են վարչական վարույթներ և ղեկավարվելով ՀՀ հարկային օրենսգրքի 4-րդ հոդվածի 1-ին մասի 64-րդ, 66-րդ կետերով, 398-րդ հոդվածի 5-րդ և 7-րդ մասերով, «Հարկային ծառայության մասին» ՀՀ օրենքի 4-րդ հոդվածի 6-րդ մասով, և «Վարչարարության հիմունքների և վարչական վարույթի մասին» ՀՀ օրենքի 55, 56, 58, 59, 88 հոդվածներով, ՀՀ ՊԵԿ իրավաբանական վարչության պետի կողմից կայացվել են Հավելվածում նշված «Ֆիզիկական անձի կողմից չկատարված հարկային պարտավորությունը գանձելու մասին» որոշումներ:



«Հ հարկային օրենսգրքի (այսուհետ՝ նաև Օրենսգրք) իրավահարաբերության պահին գործող խմբագրությամբ 44-րդ հոդվածի 2-րդ մասի համաձայն (փոփ. 23.03.2022 ՀՕ-86-Ն)՝ Օրենսգրքի 17-րդ բաժնով սահմանված կարգով իրականացվող ստուգումների և Օրենսգրքի 343-րդ հոդվածի 5-րդ մասի 2-6-րդ կետերով սահմանված ուսումնասիրությունների արդյունքում Օրենսգրքի և վճարների վերաբերյալ Հայաստանի Հանրապետության օրենքների պահանջների խախտումներ հայտնաբերելու դեպքում հարկային պարտավորություններ չեն կարող առաջանալ, եթե դրանք հարկ վճարողին առաջադրվել են խախտումը կատարելու հարկային տարվան անմիջապես հաջորդող երրորդ հարկային տարին լրանալուց հետո (բացառությամբ նույն հոդվածի 5-րդ մասի երկրորդ պարբերությամբ նախատեսված դեպքի), իսկ Օրենսգրքի՝ անշարժ գույքի հարկին և փոխադրամիջոցների գույքահարկին վերաբերող բաժինների պահանջների խախտումներ հայտնաբերելու դեպքում հարկային պարտավորություններ չեն կարող առաջանալ, եթե տվյալ խախտումը հայտնաբերվել է այն կատարելու հարկային տարվան անմիջապես հաջորդող տասներորդ հարկային տարին լրանալուց հետո:

Օրենսգրքի 335-րդ հոդվածի 1-ին մասով նախատեսված է, որ հարկային ստուգումը հարկային մարմնի լիազորությունների շրջանակներում հարկ վճարողների (համալիր հարկային ստուգմամբ ստուգվող ժամանակաշրջաններում կազմակերպությունների վերակազմակերպման դեպքերում՝ իրավահաջորդի (իրավահաջորդների) մոտ նաև իրավանախորդների մասով), բացառությամբ անհատ ձեռնարկատեր կամ նոտար չհանդիսացող ֆիզիկական անձանց, իսկ Օրենսգրքով սահմանված դեպքերում՝ հաշվառումից հանված անհատ ձեռնարկատիրոջ մոտ նույն գլխով սահմանված կարգով իրականացվող ընթացակարգ է, որի նպատակն է հարկային մարմնին հսկողության լիազորություններ վերապահող իրավական ակտերի պահանջներին դրանց կատարման համապատասխանությունը պարզելը, այդ պահանջների խախտումները կանխելն ու խափանելը, դրանց հայտնաբերելը, հարկային մարմնին հսկողության լիազորություններ վերապահող իրավական ակտերով սահմանված դեպքերում և կարգով հարկային պարտավորությունները ճշգրտելը, այդ թվում՝ ինքնուրույն հաշվարկելն ու վերահաշվարկելը, հայտնաբերված խախտումների համար պատասխանատվություն կիրառելը:





Ըստ Օրենսգրքի 398-րդ հոդվածի 1-ին մասի հարկային վարչարարության իրականացման ընթացքում հարկային իրավախախտում հայտնաբերելուց անմիջապես հետո հարկային մարմնի պատասխանատու պաշտոնատար անձը կազմում է արձանագրություն, բացառությամբ այն դեպքերի, երբ հարկային իրավախախտումները բացահայտվում և արձանագրվում են հարկային մարմնի կողմից Օրենսգրքով սահմանված կարգով իրականացվող ստուգումների, ուսումնասիրությունների կամ օրենքով սահմանված կարգով իրականացվող օպերատիվ-հետախուզական միջոցառումների իրականացման կամ հարկ վճարողի անձնական հաշվի քարտերում հարկային պարտավորությունների հաշվառման արդյունքում:

Նկատի ունենալով, որ Օրենսգրքի 335-րդ հոդվածի 1-ին մասը բացառում է անհատ ձեռնարկատեր կամ նոտար չհանդիսացող ֆիզիկական անձանց մոտ ստուգման իրականացումը, Օրենսգրքով սահմանված հարկման ենթակա գործարքներ իրականացրած ֆիզիկական անձանց կողմից հարկային հաշվարկներ չներկայացվելու և հարկերը չվճարելու արդյունքում, Օրենսգրքի 398-րդ հոդվածով սահմանված կարգով կազմվել են արձանագրություններ, որոնց հիման վրա «Վարչարարության հիմունքների և վարչական վարույթի մասին» ՀՀ օրենքով սահմանված կարգով ՀՀ ՊԵԿ իրավաբանական վարչությունում հարուցվել են վարչական վարույթներ և կայացվել չկատարված պարտավորությունները գանձելու մասին որոշումներ:

Հավելվածում նշված արձանագրությունները կազմելիս վաղեմության ժամկետ չի կիրառվել՝ նկատի ունենալով, որ ՀՀ հարկային օրենսգրքի 44-րդ հոդվածում հղում էր կատարված միայն Օրենսգրքի 17-րդ բաժնով սահմանված կարգով իրականացվող ստուգումներին և Օրենսգրքի 343-րդ հոդվածի 5-րդ մասի 2-6-րդ կետերով սահմանված ուսումնասիրություններին:

Սակայն «Նորմատիվ իրավական ակտերի մասին» ՀՀ օրենքի 39-րդ հոդվածի 1-ին մասի համաձայն, եթե օրենսդրության մեջ բացակայում է կոնկրետ հասարակական հարաբերությունը կարգավորող իրավական նորմը, սակայն օրենսդրությամբ սահմանված է համանման հարաբերությունները կարգավորող այլ իրավական նորմ, ապա այդպիսի հարաբերությունների նկատմամբ (եթե դա չի հակասում դրանց էությանը) կիրառվում են համանման հարաբերություններ կարգավորող իրավական նորմերը (օրենքի անալոգիա):



Ըստ նույն օրենքի 41-րդ հոդվածի 1-ին մասի նորմատիվ իրավական ակտի նորմը մեկնաբանվում է՝ հաշվի առնելով նորմատիվ իրավական ակտն ընդունելիս այն ընդունող մարմնի նպատակը՝ ելնելով դրանում պարունակվող բառերի և արտահայտությունների տառացի նշանակությունից, ամբողջ հոդվածի, գլխի, բաժնի կարգավորման համատեքստից, այն նորմատիվ իրավական ակտի դրույթներից, ի կատարումն որի ընդունվել է այդ ակտը, տվյալ նորմատիվ իրավական ակտով սահմանված սկզբունքներից, իսկ այդպիսի սկզբունքներ սահմանված չլինելու դեպքում՝ տվյալ իրավահարաբերությունը կարգավորող իրավունքի ճյուղի սկզբունքներից:

Ուստի, հիմք ընդունելով այն, որ Օրենսգրքի 398-րդ հոդվածով սահմանված կարգով ֆիզիկական անձանց մասով կազմվող արձանագրություններով հաշվարկվող գումարների և դրանց գանձման գործընթացի վաղեմության ժամկետների հարցը Օրենսգրքով կարգավորված չէ, իսկ այլ հիմքերով խախտումներ հայտնաբերելու դեպքում հարկային պարտավորություններ հաշվարկելու համար նախատեսված են վաղեմության ժամկետներ, միաժամանակ հաշվի առնելով այն, որ քննարկվող հարաբերությունների նկատմամբ վաղեմության ժամկետների կիրառումը չի հակասում այդ հարաբերությունների էությանը, հարկային վարչարարության ընթացքում հարկային իրավախախտում հայտնաբերելուց հետո հարկային մարմնի պատասխանատու պաշտոնատար անձի կողմից կազմված արձանագրություններով ֆիզիկական անձանց նկատմամբ պարտավորությունները հաշվարկելիս և ՀՀ ՊԵԿ իրավաբանական վարչության պետի որոշումներով դրանք գանձելիս պետք է հաշվի առնվեր համանման հարաբերությունները կարգավորող այլ իրավական նորմի առկայությունը: Այսինքն, Հավելվածում նշված ֆիզիկական անձանց վերաբերյալ կազմված արձանագրություններով հաշվարկված պարտավորությունների մի մասը ՀՀ ՊԵԿ իրավաբանական վարչության պետի որոշումներով չէին կարող գանձվել, քանի որ պարտավորությունների մի մասը հաշվարկվել և գանձման էին առաջադրվել խախտումը կատարելու հարկային տարվան անմիջապես հաջորդող երրորդ հարկային տարին լրանալուց հետո և քննարկվող հարաբերությունների նկատմամբ կիրառելի էր Օրենսգրքի 44-րդ հոդվածի 2-րդ մասով սահմանված իրավական նորմը:

Վերոնշյալից հետևում է, որ «Նորմատիվ իրավական ակտերի մասին» ՀՀ օրենքի 39-րդ հոդվածի 1-ին մասով սահմանված օրենքի անալոգիայի կիրառման





պայմաններում ՀՀ ՊԵԿ իրավաբանական վարչության պետի կողմից կայացված կից Հավելվածում նշված որոշումները ենթակա են մասնակի անվավեր ճանաչման:

Մասնավորապես՝

1. ՀՀ ՊԵԿ իրավաբանական վարչության պետի կողմից 14.06.2021 թվականին կայացվել է «Ֆիզիկական անձի կողմից չկատարված հարկային պարտավորությունները գանձելու մասին» թիվ 1430-Ա որոշումը՝ ֆիզիկական անձ Հասմիկ Անուշավանի Ծատինյանից (ՀՎՀՀ 20179612) 19.05.2021 թվականի դրությամբ ունեցած 15.498.798 դրամ (որից ապառք՝ 7.451.913 դրամ, տույժ՝ 2.863.967 դրամ, տուգանք՝ 5.182.918 դրամ) գանձելու մասին: Համաձայն ՀՀ ՊԵԿ հարկային տեղեկատվության և ռիսկերի վերլուծության վարչության կողմից 19.05.2021 թվականին կազմված N 13086/2021/ԿՈՒՎԿ/Ա Արձանագրության, ֆիզիկական անձ Հասմիկ Անուշավանի Ծատինյանի պարտավորությունները հաշվարկվել են 2013, 2014, 2015 թվականների, 2016 թվականի հունվարից ապրիլ ամիսների և 2020 թվականն ընդգրկող հաշվետու ժամանակաշրջանների համար: Այդ թվում՝ 13.203.483 դրամը (որից ապառք՝ 5.182.918 դրամ, տույժ՝ 2.837.647 դրամ, տուգանք՝ 5.182.918 դրամ) 2013, 2014, 2015 թվականների և 2016 թվականի հունվարից ապրիլ ամիսների, իսկ 2.295.315 դրամը (որից ապառք՝ 2.268.995 դրամ, տույժ՝ 26.320 դրամ)՝ 2020 թվականի համար: Համաձայն նույն Արձանագրության, Հասմիկ Անուշավանի Ծատինյանի կողմից ներկայացվել են 2016 թվականի մայիսից դեկտեմբեր ամիսների և 2017, 2018, 2019 թվականների համար օրենքով սահմանված հաշվարկները:

Արդյունքում՝ Հասմիկ Անուշավանի Ծատինյանի 2013, 2014, 2015 թվականների և 2016 թվականի հունվարից ապրիլ ամիսների 13.203.483 դրամ (որից ապառք՝ 5.182.918 դրամ, տույժ՝ 2.837.647 դրամ, տուգանք՝ 5.182.918 դրամ) հարկային պարտավորությունները հաշվարկվել և գանձման են առաջադրվել խախտումը կատարելու հարկային տարվան անմիջապես հաջորդող երրորդ հարկային տարին լրանալուց հետո, իսկ 2020 թվականի 2.295.315 դրամ (որից ապառք՝ 2.268.995 դրամ, տույժ՝ 26.320 դրամ) հարկային պարտավորությունները հաշվարկվել և գանձման են առաջադրվել մինչև խախտումը կատարելու հարկային տարվան անմիջապես հաջորդող երրորդ հարկային տարին լրանալը: Ուստի 14.06.2021 թվականին կայացված «Ֆիզիկական անձի կողմից չկատարված հարկային պարտավորությունները գանձելու



մասին» թիվ 1430-Ա որոշումը մասնակի՝ 2013, 2014, 2015 թվականների և 2016 թվականի հունվարից ապրիլ ամիսների մասով՝ 13.203.483 դրամի (որից ապառք՝ 5.182.918 դրամ, տույժ՝ 2.837.647 դրամ, տուգանք՝ 5.182.918 դրամ) չափով ենթակա է անվավեր ճանաչման:

2.ՀՀ ՊԵԿ իրավաբանական վարչության պետի կողմից 26.01.2021 թվականին կայացվել է «Չկատարված հարկային պարտավորությունները գանձելու մասին» թիվ 103-Ա որոշումը՝ ֆիզիկական անձ Մարինե Մարգարի Մարգարյանից (ՀՎՀՀ 40056943) 04.12.2020 թվականի դրությամբ ունեցած 4.640.873 դրամ պարտավորությունը (որից ապառք՝ 2.214.249 դրամ, տույժ՝ 950.458 դրամ, տուգանք՝ 1.476.166 դրամ) գանձելու վերաբերյալ: Հիշատակված պարտավորությունները հաշվարկվել են ՀՀ ՊԵԿ հարկային տեղեկատվության և ռիսկերի վերլուծության վարչության կողմից 04.12.2020 թվականին կազմված N 5540/2020/ԿՈՒՎ4/Ա Արձանագրությամբ՝ 2015 թվականի հոկտեմբեր, 2016 թվականի հունվար, 2017 թվականի հունվար ամիսների և 2018 թվականի ժամանակահատվածի համար: ՀՀ ՊԵԿ հարկային տեղեկատվության և ռիսկերի վերլուծության վարչության կողմից ի լրումն 04.12.2020 թվականի N 5540/2020/ԿՈՒՎ4/Ա Արձանագրության, 10.01.2022 թվականին կազմված N 32/2022/ԿՈՒՎ4/Ա Արձանագրության համաձայն ֆիզիկական անձ Մարինե Մարգարի Մարգարյանի 2017 թվականի հունվար ամսվա և 2018 թվականի հունվար ամսից մինչև 2018 թվականի հոկտեմբերի վեցն ընկած ժամանակաշրջանի պարտավորությունները 10.01.2022 թվականի դրությամբ կազմել են 2.654.857 դրամ (որից ապառք՝ 1.303.550 դրամ, տույժ՝ 613.224 դրամ, տուգանք՝ 738.083 դրամ): Միաժամանակ, համաձայն ՀՀ ՊԵԿ հարկային տեղեկատվության և ռիսկերի վերլուծության վարչության 03.02.2022 թվականի թիվ Ն/71-4/19252-2022 գրության, 04.12.2020 թվականի N 5540/2020/ԿՈՒՎ4/Ա Արձանագրությամբ 2018 թվականի ժամանակաշրջանի պարտավորությունները հաշվարկված են եղել 01.01.2018-31.12.2018 թվականն ընդգրկող ժամանակաշրջանի համար՝ ընդամենը 908.572 դրամ (որից ապառք՝ 738.083 դրամ, տույժ՝ 170.489 դրամ), իսկ ի լրումն 04.12.2020 թվականի N 5540/2020/ԿՈՒՎ4/Ա Արձանագրությանը կազմված 10.01.2022 թվականի N 32/2022/ԿՈՒՎ4/Ա Արձանագրությամբ՝ 2018 թվականի պարտավորությունները հաշվարկվել են 01.01.2018-06.10.2018 թվականն ընդգրկող ժամանակաշրջանի համար՝ 802.822 դրամ (որից



ապառք՝ 565.467 դրամ, տույժ՝ 237.355 դրամ), հիմք ընդունելով այն հանգամանքը, որ 20.10.2015 թվականի վարձակալության պայմանագրի հիման վրա գրանցված վարձակալության իրավունքը դադարել է 06.10.2018 թվականին: Հետևաբար՝ 04.12.2020 թվականի N 5540/2020/ԿՈՒՎ4/Ա Արձանագրությամբ 2015 թվականի հոկտեմբեր ամսվա համար հաշվարկված 470.067 դրամ (որից ապառք՝ 184.521 դրամ, տույժ՝ 101.025 դրամ, տուգանք՝ 184.521 դրամ) և 2016 թվականի հունվար ամսվա համար հաշվարկված 1.410.199 դրամ (որից ապառք՝ 553.562 դրամ, տույժ՝ 303.075 դրամ, տուգանք՝ 553.562 դրամ) պարտավորությունները հաշվարկվել և գանձման են առաջադրվել խախտումը կատարելու հարկային տարվան անմիջապես հաջորդող երրորդ հարկային տարին լրանալուց հետո, իսկ 10.01.2022 թվականի N 32/2022/ԿՈՒՎ4/Ա Արձանագրությամբ հաշվարկված 2017 թվականի հունվար ամսվա և 2018 թվականի հունվար ամսից մինչև 2018 թվականի հոկտեմբերի վեցն ընկած ժամանակաշրջանի 2.654.857 դրամ (որից ապառք՝ 1.303.550 դրամ, տույժ՝ 613.224 դրամ, տուգանք՝ 738.083 դրամ) պարտավորությունները հաշվարկվել և գանձման են առաջադրվել մինչև խախտումը կատարելու հարկային տարվան անմիջապես հաջորդող երրորդ հարկային տարին լրանալը: Արդյունքում՝ ՀՀ ՊԵԿ իրավաբանական վարչության պետի կողմից 26.01.2021 թվականին կայացված «Չկատարված հարկային պարտավորությունները գանձելու մասին» թիվ 103-Ա որոշումը մասնակի՝ 2015 թվականի հոկտեմբեր և 2016 թվականի հունվար ամիսների մասով, 1.880.266 (որից ապառք՝ 738.083 դրամ, տույժ՝ 404.100 դրամ, տուգանք՝ 738.083 դրամ) դրամի չափով, ենթակա է անվավեր ճանաչման:

3. ՀՀ ՊԵԿ իրավաբանական վարչության պետի կողմից 17.12.2020 թվականին կայացվել է «Չկատարված հարկային պարտավորությունները գանձելու մասին» թիվ 2727-Ա որոշումը՝ ֆիզիկական անձ Միքայել Մնացականի Աղաբաբյանի 23.11.2020 թվականի դրությամբ ունեցած 64.412.540 դրամ պարտավորությունը (որից ապառք՝ 33.676.126 դրամ, տույժ՝ 11.892.485 դրամ, տուգանք՝ 18.843.929 դրամ) գանձելու մասին: Հիշատակված պարտավորությունները հաշվարկվել են ՀՀ ՊԵԿ հարկային տեղեկատվության և ռիսկերի վերլուծության վարչության կողմից 23.11.2020 թվականին կազմված N 5477/2020/ԿՈՒՎ4/Ա Արձանագրությամբ՝ 2013 թվականի հուլիս ամսից մինչև 2019 թվականը ներառող ժամանակահատվածի համար:



Համաձայն ՀՀ ՊԵԿ հարկային տեղեկատվության և ռիսկերի վերլուծության վարչության կողմից ի լրումն 23.11.2020 թվականի N 5477/2020/ԿՈՒՎԿ/Ա Արձանագրության, 10.01.2022 թվականին կազմված N 31/2022/ԿՈՒՎԿ/Ա Արձանագրության, ֆիզիկական անձ Միքայել Մնացականի Աղաբաբյանի 2016 թվականի դեկտեմբեր ամսվա և 2017 թվականի հունվարից դեկտեմբեր ամիսների պարտավորությունները 10.01.2022 թվականի դրությամբ կազմել են 8.750.000 դրամ (որից ապառք՝ 4.550.000 դրամ, տուգանք՝ 4.200.000 դրամ): Նույն Արձանագրության համաձայն ֆիզիկական անձ Միքայել Մնացականի Աղաբաբյանի կողմից 2017 թվականի համար եկամտային հարկի և սոցիալական վճարի ամսական պարզեցված հաշվարկների փոխարեն ներկայացվել է 2017 թվականի տարեկան եկամուտների պարզեցված հաշվարկ: 2018 և 2019 թվականների համար 23.11.2020 թվականի N 5477/2020/ԿՈՒՎԿ/Ա Արձանագրությամբ հաշվարկված պարտավորությունը կազմել է 16"916"423 դրամ (որից ապառք՝ 14"285"597 դրամ, տույժ՝ 2.630.826 դրամ):

Հետևաբար՝ 23.11.2020 թվականին կազմված N 5477/2020/ԿՈՒՎԿ/Ա Արձանագրությամբ հաշվարկված 64.412.540 դրամ պարտավորություններից (որից ապառք՝ 33.676.126 դրամ, տույժ՝ 11.892.485 դրամ, տուգանք՝ 18.843.929 դրամ) նվազեցնելով 2016 թվականի դեկտեմբեր ամսվա և 2017 թվականի հունվարից դեկտեմբեր ամիսների համար հաշվարկված 8.750.000 դրամ (որից ապառք՝ 4.550.000 դրամ, տուգանք՝ 4.200.000 դրամ) և 2018-2019 թվականների համար հաշվարկված 16.916.423 դրամ (որից ապառք՝ 14"285"597 դրամ, տույժ՝ 2.630.826 դրամ) պարտավորությունները, որոնք հաշվարկվել և գանձման են առաջադրվել մինչև խախտումը կատարելու հարկային տարվան անմիջապես հաջորդող երրորդ հարկային տարին լրանալը, ֆիզիկական անձ Միքայել Մնացականի Աղաբաբյանի 2013 թվականի հուլիս ամսից մինչև 2016 թվականի նոյեմբեր ամիսների համար հաշվարկված պարտավորությունները կկազմեն 38.746.117 դրամ (որից ապառք՝ 14.840.529 դրամ, տույժ՝ 9"261"659 դրամ, տուգանք՝ 14.643.929 դրամ), որոնք հաշվարկվել և գանձման են առաջադրվել խախտումը կատարելու հարկային տարվան անմիջապես հաջորդող երրորդ հարկային տարին լրանալուց հետո:

Արդյունքում՝ ՀՀ ՊԵԿ իրավաբանական վարչության պետի կողմից 17"12"2020 թվականին կայացված «Չկատարված հարկային պարտավորությունները գանձելու



մասին» թիվ 2727-Ա որոշումը մասնակի՝ 2013 թվականի հուլիս ամսից մինչև 2016 թվականի նոյեմբեր ամիսների համար հաշվարկված պարտավորությունների մասով՝ 38.746.117 դրամի չափով (որից ապառք՝ 14.840.529 դրամ, տույժ՝ 9.261.659 դրամ, տուգանք՝ 14.643.929 դրամ), ենթակա է անվավեր ճանաչման:

Նկատի ունենալով վերոգրյալը և ղեկավարվելով «Վարչարարության հիմունքների և վարչական վարույթի մասին» ՀՀ օրենքի 63-րդ հոդվածի 1-ին մասի ա) կետով, 2-րդ և 5-րդ մասերով՝

### ՈՐՈՇԵՑԻ

1. Մասնակի անվավեր ճանաչել ՀՀ ՊԵԿ իրավաբանական վարչության պետի կողմից կայացված «Ֆիզիկական անձի կողմից չկատարված հարկային պարտավորությունները գանձելու մասին» կից Հավելվածում նշված որոշումները:

2. Համաձայն «Վարչարարության հիմունքների և վարչական վարույթի մասին» ՀՀ օրենքի 59-րդ հոդվածի 5-րդ մասի 3-րդ պարբերության՝ սույն որոշումը հասցեատերերին իրազեկելու նպատակով, հրապարակել ՀՀ ՊԵԿ պաշտոնական կայք էջում:



12/12/2022

X

ԱՐՏՅՈՄ ՍՄԲԱՏՅԱՆ

ԺԱՄԱՆԱԿԱՎՈՐ ՊԱՇՏՈՆԱԿԱՏԱՐ՝

Signed by: SMBATYAN ARTYOM 3210860416

ԱՐՏՅՈՄ ՍՄԲԱՏՅԱՆ



Հ/Հ	ՀՎՀՀ	Անվանումը	Փաստաթղթի հերթական համարը	Փաստաթղթի ամսաթիվը	ԳՈ համար	ԳՈ ամսաթիվ	ԳՈ գումար	Մասնակի անվավեր ճանաչման ենթակա գումար			
								ապառք	տույժ	տուգանք	ընդամենը
1	20179612	ՀԱՍՄԻԿ ԱՆՈՒՇԱՎԱՆԻ ԾԱՏԻՆՅԱՆ	13086/2021/ԿՈՒՎ4/Ա	19.05.2021	1430-Ա	14.06.2021	<b>15.498.798</b>	5.182.918	2.837.647	5.182.918	<b>13.203.483</b>
2	40056978	ՄԱՐԻՆԵ ՄԱՐԳԱՐԻ ՄԱՐԳԱՐՅԱՆ	5540/2020/ԿՈՒՎ4/Ա	04.12.2020	103-Ա	26.01.2021	<b>4.640.873</b>	738.083	404.100	738.083	<b>1.880.266</b>
3	40056978	ՄԻՔԱՅԵԼ ՄՆԱՅԱԿԱՆԻ ԱՂԱԲԱԲՅԱՆ	5477/2020/ԿՈՒՎ4/Ա	23.11.2020	2727-Ա	17.12.2020	<b>64.412.540</b>	14.840.529	9.261.659	14.643.929	<b>38.746.117</b>